

35. Hei lustig, mir Knechtlar



1. Hei lu - stig, mir Knecht-lar, dås Mahn isch a Freud, be - sun-ders wänn
d'Sen - gsn a bi - ßl no schneidt. Drum den - gl nur, den - gl nur,
den - gl nur zue, mei Bue! Den - gl nur, den - gl nur, den - gl nur zue.

2. Früahmorgens då giahn mir hinaus auf dås Feld
und mahnen so lång, bis die Mittågglugg schellt.
Drum dengl nur ...

3. Drauf giahn mir zun Essn und setzn üns zu Tisch,
då kriagn mir koa Bratl und a koane Fisch.
Drum dengl nur ...

4. Båld Nudi, båld Knödl, båld Nockn mit Käs,
båld Kraut und Fisöln und deralei Gfraß.
Drum dengl nur ...

5. Ischt's Jåhr amål Kirchtig, dös schlägt üns guat ein,
då kriagn mir a Bratl und trinkn an Wein.
Drum dengl nur ...

Aus dem Sarntal/Südtirol

Quellen: Franz Friedrich Kohl, *Echte Tiroler Lieder*, Bd.II, Leipzig 1915, Nr. 69; Alfred Quellmalz, *Südtiroler Volkslieder*, Bd. I, Kassel 1968, Nr. 147